

BARUA YA TATU KWA SHEIKH 'UBAYD AL-JÂBIRĪ - [AULIZWA SHEIKH 'UBAYD]

NA

Sheikh Sālim at-Twawîl (hafidhahullāh)

8 December, 2014 | Posted by [Salafibayaan](#) | [ClarificationsRefutations](#) | 1223 views



Nauliza suali: Muheshimiwa Sheikh 'Ubayd, Allāh Akuafikie kwa kila kheri, unamfanyia *tabdi*' Sheikh Sālih bin 'Abdul'Azîz Āli Sheikh, na ukamuorodhesha na Jam'iyyah lhyā ut-Turāth? Jee, Sheikh Sālih ametumbukia kwenye uzushi? Jee kuhusu safari za mara kwa mara za Sheikh 'AbdurRazzāq kuwazuru Jam'iyyat lhyā ut-Turāth? ... kwa kujiegemeza juu ya fatwa za Shaykh 'AbdulMuhsin al-'Abbād, unamfanyia naye *tabdi*'?

Muheshimiwa Sheikh, tafakari na uzingatie kuhusiana na hali ya Sheikh, al-'Allāmah Sālih bin Fawzān al-Fawzān, aliyekuzidi umri na 'ilmu ewe muheshimiwa sheikh. Angali, juu ya yote hayo, hatumuoni wala kumsikiya akijiingiza kwenye matukio ya Libya, fitna za Yemen, akimfanyia mtu yoyote kutoka Kuwait - *tabdi*', au akitoa amri yakwamba mwanamke katika nchi ya Emirates asusiwe au akimuhusisha mtu yoyote awe ndiye msimamizi juu ya wengine katika nchi za Uropa.

Muheshimiwa Sheikh, sisi twasubiri jawabu kutoka kwako juu ya maswali haya matano, kwani wale wanaojinaki nafsi zao kuwa ni "supper Salafi" wameshindwa kuyajibu."

Kila Sifa njema zinaamstahiki Allāh peke Yake, na swala na salamu zimshukie yule ambaye baada yake hapana mtume mwengine;

Ammâ ba'd:

Hii ni barua ya tatu ninayomuandikia muheshimiwa Sheikh ‘Ubayd bin ‘Abdullāh al-Jābirī, Allāh Amuhifadhi na amtengezee niya yake na kizazi chake. Namuomba Allāh aifanye iwe na manufaa kwa muandishi na mwenye kuisoma. Nasema ndani ya barua hiyo:

BISMILLĀHIR RAHMĀNIR RAHĪM

Kutoka kwa Sālim bin Sa’d at-Twawīl, Imfikie Muheshimiwa Sheikh ‘Ubayd bin ‘Abdullāh al-Jābirī, Allāh akuafikie katika kila kheri.

Amma ba’d:

Baadhi ya ndugu kutoka nchini Kuwait wamejaribu kuwatahadharisha watu kutokamana na da’wah yetu na mafunzo yetu na wakauzuiya wao peke yao U-salafiyah asiingie mwengine. Wamejisifu nafsi zao kwa sifa ambazo kulingana na ninavyojua mimi hapajawahi kutokea tangu zama zilizopita, wakajiita wao wenyewe “ma-salafi khaswa” na “ma-salafi imara”.

Amesema Allāh kwenye Kitabu Chake:

« فَلَا تُرْكُوا أَنْفُسَكُمْ هُوَ أَعْلَمُ بِمَنِ اتَّقَى »

“Wala musijisifu nafsi zenu; Yeye ndiye anayewajua anayemcha Yeye.”

[an-Najm (53): 32]

Na akasema Allāh (سبحانه وتعالى);

« أَلَمْ تَرَ إِلَى الَّذِينَ يُرَكُّونَ أَنْفُسَهُمْ بَلِ اللَّهُ يُرَكِّي مَنْ يَشَاءُ وَلَا يُظْلَمُونَ فَتِيلًا »

“Wewe hujawaona wale ambao wanajitakasa nafsi zao? Bali, Allāh anawatakasa awatakao.” [an-Nisā’ (4): 49]

Twamuomba Allāh atulinde.

Watu wa kawaida katika kundi hili dogo ni vijana wenye umri mdogo, wana fahamu za kijinga, na wanaongozwa na mfanyi biashara fulani asiyekuwa na haja ya kutafuta ‘ilmu na zaidi ni kwamba hakuna kujitosheleza kwao. Kwahiyo, yeye anatafuta msaada kutoka kwa watu wengine, mara kwa ndugu Ahmad Bāzmūl, na mara nyengine kwa Shaykh Muhammad bin Hādī, na mwisho kutoka kwako wewe binafsi, muheshimiwa. Kwa masikitiko, wameweza kusababisha ufidia mkubwa baina yetu na baina ya Mashekhe kwa kusambaza uvumi ambao uliowafanya wakawa mashuhuri isipokuwa kwa idadi chache kama alivyokadiria Allāh. Nimemkumbusha kuhusu Allāh kwa mara nyingi na nikamnaswihi na kumpa dalili kutoka katika Kitāb na Sunnah kuhusiana na uharamu wa kueneza uvumi, licha ya yote hayo, yeye aliendelea tu kukaidi kwenye madhambi haya makubwa, twamuomba Allāh atuhifadhi. Namuomba Allāh aturuzuku na toba ya kihakika kabla ya mauti.

Na uwajibikaji wa kisheriya ambao aliotufaridhia Allāh ni kwamba tunapaswa kuthibitisha habari za uvumi ili hukmu yetu isimame wima, au hali sio hivyo muheshimiwa Sheikh? Msambazaji mkubwa wa uvumi amedai yakwamba mimi nina mafungamano na Jam’iyyat Ihyā ut-Turāth na kama yalivyo matokeo yake, akanizungumza kwako na kutokana na maneno yake nawe ukanizungumza, Eeh Sheikh

‘Ubayd, Allâh akusamehe wewe na wazazi wako. Vilevile akanifungamanisha mimi na wao kutokana na baadhi ya maneno niliyowahi kuandika kwenye makala ambapo nilipoyataja majina ya baadhi ya Mashekhe wa Jam’iyyat Ihyā ut-Turāth kwa wema. Kwa uhakika, sifa tu ya kawaida kwa Muislamu hailazimu kufukuzwa kutoka katika U-Salafiyyah au kutoka katika Sunnah. Kwahivyo mfumo huu ni kutia chumvi tu na hili huwenda likasababisha msukosuko kwa mwenye kufanya hivi, lakini *Wallâhi*, muheshimiwa Sheikh, mimi sitamani kusababisha msukosuko kwako. Lakini hata hivyo, ndugu wenye upendeleo, wanaojiita wao wenyewe kuwa ni “ma-salafi imara”, hao ndiwo waliokutumbukiza wewe kwenye msukosuko huu. Mimi niliwauliza baadhi ya masuali, lakini walishindwa kuyajibu, na kwa sababu hiyo nimeyaleta masuali hayo kwako wewe, ewe Muheshimiwa Sheikh, Allâh akuafikiye. Huwenda nikasoma na wewe kutokamana na jawabu lako utakaponikirimu kunitumia au unaweza kuyasambaza majibu yako kila mahali ili ipatikane faida zaidi;

Suali La Kwanza:

Sheikh Sâlih bin ‘Abdul‘Azeez Āli Shaykh alifanya ziara katika nchi ya Kuwait, yeye ni Waziri wa Waqf [na mas’ala ya Uislamu] katika mamlaka ya Ufalme wa Saudi Arabia, Allâh amuhifadhi. Lengo kubwa lilikuwa ni kuizuru Jam’iyyat Ihā ut-Turāth na alikuwa pamoja na Sheikh ‘Abdullāh al-Manī’, , Allâh amuhifadhi. Sheikh Sâlih alizungumza maneno kuhusu Jam’iyyat Ihyā ut-Turāth na haya ndiyo aliyoyasema:

Bismillāh ir-Rahmān ir-Rahîm,

Kila sifa njema zinamstahiki Allâh, Mola wa Ulimwengu wote;

Nashuhudia yakwamba yakwamba hapana mola anayestahiki kuabudiwa kwa haki isipokuwa Allâh Peke Yake asiyekuwa na mshirika. Nashuhudia yakwamba Muhammad ni mja Wake na Mtume, swala na salamu zimshukie yeye, jamii yake na maswahaba zake kwa salamu za zaidi, amma ba’d:

Mimi niko katika upeo wa furaha kwa kuwepo miongoni mwa ndugu zangu na vipenzi wangu hapa kwenye Jam’iyyah hii iliyobarikiwa ambayo kwa kawaida sisi twaiona kuwa ni moyo unaopiga kwa kazi ya hisani ya ki-salafi kote ulimwenguni. Natumai yakwamba *Allâh ataifanya masiku yake ya mbeleni yawe mazuri zaidi kuliko masiku yake yaliyopita, na atubariki sisi sote na ikhlâs na ukweli katika mazungumzo yetu na vitendo vyetu, na awathibitishie wasimamizi wake kwa usawa usiokuwa na hitilafu na awalipe wema kwa waliyoyafanya.*

Mwisho wa Nukuu

Suali hapa ni kwamba: Muheshimiwa Sheikh, Allâh akuafikiye katika kila kheri, umemfanyia tabdi’ Sheikh Sâlih bin ‘Abdul‘Azeez Āli Shaykh na ukamuweka pamoja na Jam’iyyah Ihyā ut-Turāth? Jee, Sheikh Sâlih ametumbukia ndani ya uzushi? Sisi twangoja jawabu lako muheshimiwa Sheikh, nakukumbusha kuhusu matamshi yako ya hapo awali:

... msingi walio nao Ahlul ‘ilm ni kwamba mwenye mafungamano na watu wazushi na asiwakanye na asiwasaidie wenye kuwakabili hao anafaa achukuliwe kuwa ni miongoni mwao. Hii ni hata kama atakua dhahiri yake anaonekana kuwa ni mtu mwema kutekeleza mambo yake kulingana na Sunnah - kwani hili halimuokoi yeye kutokamana na kutumbukia kwenye uzushi yeye mwenyewe. Sisi tumeyazungumza kuhusu kundi la Ihyā ut-Turāth kwenye vikao vingi katika nchi ya Kuwait na hapa vilevile tumewazungumza kama inavyopaswa, kwahivyo yoyote apendae anaweza

kuirejelea hiyo, Jum’iyah hiyo [Ihyā ut-Turāth] imo miongoni mwa vigawanyo vya Ikhwānul Muslimīn.”

Sasa utasema nini, ewe Muheshimiwa Sheikh? Kwani Sheikh Sālih bin ‘Abdul‘Azeez Āli Shaykh hajui na hafahamu ukweli wa mambo? Au ana dhana njema juu yao akayakataa ya kutoka kwao? Juu ya yote hayo, ufahamu wangu ni kwamba mimi sikubaliani na njia ambayo Sheikh Sālih alivyowasifu Jam’iyyat Ihyāt ut-Turāth.

Suali La Pili:

Nilisikiya rikodi itokayo kwako hapa, imeulizwa; “Mimi nina suali kuhusu hali ya baadhi ya Mashekhe, Sheikh ‘AbdurRazzāq al-‘Abbād al-‘Badr?”

Jawabu: [kutoka kwa Sheikh ‘Ubayd]:

“Mtu huyu ni mtu wa Sunnah, *walillāhil-Hamd*; ni maarufu sana. Sijafikiwa na habari za uharibifu kwenye misingi, wala hukmu za nguzo kutoka kwake.”

“Suali langu kwako, Ewe Muheshimiwa Sheikh ‘Ubayd: Jee, kuhusiana na safari za Sheikh ‘AbdurRazzāq za mara kwa mara kwenda Jam’iyyat Ihyā ut-Turāth, na amewahi kuwa na maandalizi yenye kujulikana mno na wao? Ni kwanini hukmu zako zilizotangulia zisihusishwe kwa Sheikh ‘AbdurRazzāq bin ‘AbdulMuhsin al-‘Abbād al-Badr? Jee, Sheikh ‘AbdurRazzāq ametumbukia kwenye uzushi? Au yeye ana hali maalum isiyoshirikishwa kwa wengine? Haya yote, ingawaje mimi namzingatia Sheikh ‘AbdurRazzāq kuwa ni mtu aliyebarikiwa, na wala mimi simsifu mtu yoyote zaidi ya Allāh, Allāh ameleta faida kubwa sana kutokana na ziyara zake katika nchi ya Kuwait, UAE na Bahrain, Allāh amzidishie katika kheri. Sisi twangoja jawabu lako, Ewe Muheshimiwa Sheikh ‘Ubayd, Allāh akuhifadhi.

Suali La Tatu:

Labda Sheikh ‘Ubayd wewe wamjua Sheikh, Dr Muhammad bin ‘Umar al-Bāzmūl, ambaye mimi namzingatia kuwa ni mtu wa kheri. Ameshafanya ziyara katika nchi ya Kuwait zaidi ya mara moja na amejihusisha na Jam’iyyat Ihyā ut-Turāth zaidi ya mara moja. Kwa hakika, yeye ana mafungamano na baadhi ya Ikhwānul Muslimīn walioko Kuwait. Baadhi ya ndugu fulani wametafuta usaidizi wa ndugu yake, Dr Ahmad bin ‘Umar Bāzmūl, ambaye aliyewahi kutangaza yakwamba Jam’iyyat Ihyā ut-Turāth ni wazushi.

Suala langu ni: Ni nini hukmu ya Shaykh Muhammad Bāzmūl kuhusu safari zake za kwenda Jam’iyyat Ihyā ut-Turāth na kushirikiana nao kwenye baadhi ya harakati zao na kutowafanyia *tabdi*? Tukiwa twajua yakwamba haya yamethubutu kwa njia ya mawasiliano ya sauti na kuona. Sisi twangoja jawabu lako, Ewe Muheshimiwa Sheikh ‘Ubayd, Allāh akuhifadhi. Ikiwa katika fahamu zako kwamba wale vijana wanaojiita ma-salafi imara au masalafi khaswa, wameshindwa kulijibu suala hili, labda huwenda wakapata jawabu kutoka kwako? Namuomba Allāh Akuafikie kwenye haki.

Suali La Nne:

Ndugu Muhammad bin ‘Uthmān al-‘Anjarī alipokuwa amefuatana na Ahmad bin Husayn as-Subay’ī alijitolea kwa Mashekhe wawili, Dr Falāh Ismā’īl Mandikār na Dr Abū Anas Hamad al-‘Uthmān, na mimi nikiwa mtu wa tatu, yakwamba tujifungamanishe pamoja na Jam’iyyat Ihyā ut-Turāth, tupate kushindana nao katika upigaji wa kura ili tupate kushinda na kuweza kutumia nyadhifa za baraza lao katika usimamizi wake na halmashauri ya kifedha, kama wanavyodai, ati kuusaidia U-Salafiyyah. Yeye [Muhammad al-‘Anjarī] alitaka kutafuta usaidizi wa binamu yake,

Mishārī bin Jāsīm al-‘Anjarī, ambaye kwa wakati huo alikuwa ni Mbunge! Sisi tukaikataa nafasi hii kabisa, na kila sifa njema inamstahiki Allāh, na mimi ndiye niliyekuwa mkali zaidi katika kuikataa fikra hii isiyofaa, kwani sisi ni wanafunzi wa ki-ilimu na lililotuhusu sisi zaidi lilikuwa ni kuilingania dini ya Allāh, kufundisha na kusoma. Sisi hatushughuliki na kujipatia wadhifa na michango, na wala hatujiingizi kwenye upigaji wa kura, tunaloliomba sisi ni kuwa na msimamo hadi kufa.

Suala langu, Ewe Muheshimiwa Sheikh ‘Ubayd ni: kama ambavyo huyu ndugu Muhammad bin ‘Uthmān al-‘Anjarī, hakutangaza toba yake kutokamana na maombi haya [ya kujiingiza kwenye uongozi wa upigaji wa kura kwenye wadhifa wa usimamizi wa Jam’iyyat lhyā ut-Turāth], ambao hakufaulu kuupata, na wala hakuonyesha majuto yoyote - sasa jee, hukmu yako iliyotangulia uliyoitaja inafaa kutumiwa kwake?

Suali La Tano:

Ewe Muheshimiwa Sheikh ‘Ubayd, Allāh akuafkie kila la kheri, iwapo baadhi ya wanafunzi wa ki-ilimu watakapokuwa ni wenye kutafuta hukmu kutoka kwa Sheikh wako, Muhaaddith, al-‘Allāmah Shaykh ‘AbdulMuhsin al-‘Abbād al-Badr kuhusiana na hukmu ya kushirikiana na Jam’iyyat lhyā ut-Turāth, bila ya shaka atawaruhusu. Sasa kwa msingi wa fatwa ya Shaykh ‘AbdulMuhsin al-‘Abbād, jee, wewe unamfanyia *tabdi*’ kwa hilo?

Muheshimiwa Sheikh, sisi twasubiri majibu ya maswali haya matano, kwani wale wenye kujiita yakwamba wao ni “ma-Salafi- halisi” au “ma-Salafi-Imara” wameshindwa kuyajibu. Wale ambao walioutawala U-Salafi wao peke yao, na wala sio Waislamu wengine...

Muheshimiwa Sheikh ‘Ubayd, Allāh akuafkie na akuinue daraja yako, mimi nitataja baadhi ya mas’ala muhimu kwako, ambayo natumai utafungua kifua chako uyasikize:

La Kwanza:

Natumai Muheshimiwa Sheikh yakwamba unaheshima kubwa juu ya ma-Imām waheshimiwa wanaokumbukwa pindi inapokuja mas’ala ya kutoa naswiha na kutubia kuliko kukatana, kutahadharisha, kuwatoa watu na kuonya! Miongoni mwa watu katika zama zetu, aliyetoa naswiha nyingi sana kwa Ummah alikuwa ni Baba Muheshimiwa, al-‘Allāmah Shaykh ‘Abdul‘Azīz bin Bāz (*rahimahullāh*). Alikuwa akiwanaswihi viongozi, wanavyuoni, walinganizi na wanafunzi wa ki-ilimu, ewe Muheshimiwa Sheikh, bila ya kufanya unayoyafanya wewe ya *tabdi*’, *tadlīl*, amri ya kususia na kujitenga. Mifano ya naswaha kutoka kwa Sheikh ‘Abdul‘Azīz bin Bāz (*rahimahullāh*) ni mingi, tena iliyo mshuhuri sana hata haina haja ya kusimuliwa, kwani Dini ni Naswiha, na wale wenye kutoa naswiha hawana mafungamano na wale ambao wanaowapa naswiha hizo, kwa maana yakwamba wanawaamrisha wao wazikubali naswaha hizo - na lau kama hali si hivi, basi patakuwa na tafauti gani baina ya kutoa naswiha na hukmu ya Qādhi au kiongozi aliye na mamlaka?!

La Pili:

Muheshimiwa Sheikh, hebu tafakari na uzingatie juu ya hali ya Shaykh, al-‘Allāmah Sālih bin Fawzān al-Fawzān aliyekuzidi wewe kwa umri na ‘ilmu, Muheshimiwa Sheikh. Juu ya yote hayo, hatumuoni wala kumsikia akijiingiza kuhusu matukio ya Libya, fitna za Yemen, kumfanyia *tabdi*’ mtu yoyote kutoka Kuwait, au kuamrisha yakwamba mwanamke wa Emirates asusiwe au kumuwakilisha mtu yoyote awe na mamlaka juu ya wengine katika nchi ya Ulaya.

La Tatu:

Muheshimiwa Sheikh ‘Ubayd, Allâh akuhifadhi, suali kutoka kwa ndugu wa Uropa yamenifikia, ambayo na mimi nayafikisha mbele yako, kwani huwenda ukatufaidisha kwa ‘ilmu yako kutokana na jawabu lako;

Anauliza muulizaji:

Baadhi ya ndugu fulani wanawatisha wenzao kwa Mashekhe wakiwaambia: “Tutayatuma maneno yako na vitendo vyako kwao, hata pia pale unapokwenda, unaemsikiza, [mgeni yoyote] unaempokea, unaemkaribisha, ili watoe hukmu kukuhusu wewe, au tahadhari ili tukutupilie mbali, na tutasubiri kauli ya ma-‘Ulamaa kukuhusu wewe.” Suali ni kwamba; “Jee, huku kuwaogopa Mashekhe ni kumshirikisha Allâh?”

Allâhul-Musta’an, kweli huu ndio U-Salafiyyah ambao Allâh alomtumiliza nao Mtume (*SwallAllâhu ‘alayhi wassallam*)? Twasubiri kauli yako Muheshimiwa Sheikh.

La Nne:

Muheshimiwa Sheikh ‘Ubayd, Allâh akuafkie kila la kheri, tahadhari na watu wa “*Namîmah*”, jitahadhari na orodha hiyo ya watu hata kama wao unawaona kuwa wanadhihirisha islahi na wakadai kuwa ni “*ma-Salafi khaswa*” na “*ma-Salafi Imara*”. Jitahadhari nao hata kama unaona wanadhihirisha kujali maslahi yako ndani ya nyoyo zao na maslahi ya Da’wah. Jitahadhari nao hata kama wao ni katika watu wenye mkuruba zaidi na wewe. Amesema Allâh (سبحانه وتعالى) katika kumuonya Mtume Wake (صلى الله عليه وسلم) kutokamana na watu wenye tabia hii chafu,

وَلَا تُطِعْ كُلَّ حَلَّافٍ مَّهِينٍ ﴿١٠﴾ هَمَّازٍ مَشَاءٍ بِنَمِيمٍ ﴿١١﴾ مَنَّاعٍ لِلْخَيْرِ مُعْتَدٍ أَثِيمٍ

“Wala usimtwi’i kila muapaji sana, aliye dhalili, msengenyaji (msemaji watu), aendaye akitia fitina, azuiaye kheri, anayedhulumu viumbe wenzawe, anayemu’asi Allâh.” [*Al-Qalam* (68): 10-12]

Amesema Ibn Kathîr kuhusu maneno ya Allâh yasemayo;

“Aliye dhalili, msengenyaji (msemaji watu).”

“Ni yule anayetembea baina ya watu na na kusababisha ufisidifu baina yao na kusambaza maneno ili apate kuharibu uhusiano wao...”

La Tano:

Zimenifikia mimi habari yakwamba mtu fulani mwenye asili ya Pakistan, mwenye hati ya uraiya wa Uingereza na anaishi kwenye Mji wa Birmingham (Uingereza) aitwae ‘AbdulWâhid kwa kunya lake “Abu Khadijah” amedai yakwamba amejipatia fatwa au jukumu kutoka kwako wewe ili awe ni msimamizi wa mas’ala ya ndoa na talaka, na kwamba yeye ndiye mwenye mamlaka wa mambo hayo?! Sasa, awapo yeye [Abu Khadijah] ni mtu mrongo, basi wewe utahitajika ujitokeze uthibitishie kutoka kwake, Yâ Sheikh ‘Ubayd, upate kumuuliza kuhusu tabia yake ya dhulma anayoitekeleza dhidi ya wenye kwenda kinyume naye. Ni ndoa ngapi alizozivunja, na ni

jamii ngapi alizozitawanya? Iwapo ni kweli yakwamba alipata tazkiya kutoka kwako, basi *Wallâhi* mimi sijui, iliwezekanaje kwako wewe kumpa majukumu kama hayo?! Mimi natumai yakwamba wewe kujatoa ruhusa kwa mtu asiyejulikana aliposoma mahali gani. Allâhu Musta'ân.[1]

[1]: Sheikh anayeheshimika na Muhaddith anayefundisha katika Haram al-Makki, Sheikh Wasiullâh 'Abbâs, vilevile alituma mashtaka kama hayo dhidi ya mtu huyu wakati alipofanya ziyara katika nchi ya Uk. Muhusika azungumzwaye hapa, hatahivyo, amekanusha kuhusika katika mas'ala ya majukumu ya kuoza watu.

La Sita:

Nimezipata habari kuhusu ulivyonisema mimi yakwamb: “Aliyeyasema maneno haya, mimi nimemjua kwa muda wa miaka 21, yeye ni mtu wa kutoka Kuwait, aliwahi kuwa na sisi kisha akachukuliwa na hili lililomptosha.”

Sasa mimi nasema. Ewe Muheshimiwa Sheikh; Mimi nilikuwa wapi? Ni lini hapo? Ilikuwa? Jee, sisi tumo ndani ya Hizb au ta'sisi? Jee, sisi tumefanya bay'ah au kula kiapo? Maneno yako yananihangaza sana kunihusu mimi na wengine, labda unaweza kuyachuja maneno yako, ewe muheshimiwa Sheikh, natumai pengine uliteleza ulimi wako. Muheshimiwa Sheikh 'Ubayd, Allâh na akuhifadhi, mimi nitakukumbusha kuhusu maneno ya Allâh;

« حَتَّىٰ إِذَا بَلَغَ أَشُدَّهُ وَبَلَغَ أَرْبَعِينَ سَنَةً قَالَ رَبِّ أَوْزِعْنِي أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ وَعَلَىٰ
وَالِدَيَّ وَأَنْ أَعْمَلَ صَالِحًا تَرْضَاهُ وَأَصْلِحْ لِي فِي ذُرِّيَّتِي ۖ إِنِّي تُبْتُ إِلَيْكَ وَإِنِّي مِنَ الْمُسْلِمِينَ »

“Hata anapofikia baleghe yake na akawa mwenye umri wa miaka arubaini,

(Mtoto mwema) husema: - “Ee Mola wangu! Niwezeshe nishukuru ne'ema zako ulizonineemesha mimi na wazazi wangu, na niwezeshe nifanye vitendo vizuri unavyovipenda, na unitengenezee watoto wangu; kwa yakini ninatubu kwako; na hakika mimi ni miongoni mwa waliosilimu (walionyenyekela).” [*al-Ahqāf* (46): 15]

Amesema Allâh; “...na akawa mwenye umri wa miaka arubaini...”

Muheshimiwa Sheikh, sasa hivi wewe umekurubia umri wa miaka thamanini, na Mtume (صلى الله عليه وسلم) amesema: “*Umri wa Umma wangu ni baina ya siti na sabiini, na wachache mno wataishi zaidi ya hapo.*” Imepokewa na at-Tirmidhi, kutoka katika hadith ya Abu Hurairah (رضي الله عنه) No. 3550 na ikaorodheshwa kuwa Hasan na Sheikh al-Albâni. Muheshimiwa Sheikh, wewe ni miongoni mwa wachache kama alivyokuwa akisema Sheikh al-Albâni kujihusu yeye mwenyewe, kwahivyo wacha ukumbusho wako mzuri na ndugu zako na watoto wako miongoni mwa Ahlus Sunnah ambao uliowasifu kwa matamshi mabaya kama vile, huyu ni “mpotofu”, na yule ni “ikhwânî”, na huyo “amepotea” *na kadhaalika*. Si jambo la kufichika kutoka kwako yakwamba *rifq* (sifa

ya upole) haipatikani kwa yoyote isipokuwa humrembesha, na haiondolewi kutoka kwa yoyote isipokuwa humuharibu. Neno jema ni swadaka kwahivyo wanaswihi ndugu zako na watoto wako na waombee du'â' wapate taufiki na usawa kwani wao wanakumpenda na itakuwa ni uzito kwao wao iwapo utakatana nao.

Namuomba Allâh aniongoze mimi, wewe na Ahlus Sunnah, atuunganishe kauli yetu, azifungamanishe nyoyo zetu pamoja, atusuluhishie hali zetu na atusaidie dhidi ya wale ambao wenye kutupinga sisi. Na kila sifa njema zinamstahiki Allâh, katika mwanzo wake, mwisho wake, na katika dhahiri yake na siri yake, na twaomba swala, amani na baraka zimshukie Mtume Muhammad (صلى الله عليه وسلم), âli zake na Maswahaba zake wote.

Sheikh Sâlim at-Twawîl, *Wa Aydhan Risâlah Lam Yahmiluhâ al-Bareed ilâ Fadeelat ish-Shaykh 'Ubayd bin Hādī al-Jābirī hafidhahu Allâh, 3-3.* [Na vilevile barua ambayo isiyoweza kutumwa kwa Posta kwa Sheikh 'Ubayd al-Jābirī, Allâh Amuhifadhi, Brua ya 3rd katika 3]. Tarehe 2 Safar 1436 AH/23 November 2014 CE,

Angalia kwenye : <http://www.saltaweel.com/articles/374>

Imefasiriwa na 'AbdulHaq al-Ashanti

Tafsiri kwa Kiswahili: Abu Farida Muhammad Basawad

The Qur'an And Sunnah Society od East Africa. [QSSEA]

Mombasa, Kenya